



ARQUIVO DA

UNIVERSIDADE

COLÉGIO DA COMPANHIA DE JESUS
E
UNIVERSIDADE DE ÉVORA

1573

Os graduados em Universidade aprovada podem receber ordens a título de ciência sem património ou benefício.

Gav. 6 - Maço 2 - N.º 35

Ad futuram rei memoriam. Provisionis nostrae debet provenire subsidio, ut ius suum unicuique conservetur. Hinc est, quod nos tenorem quarundam litterarum felicis recordationis Pij Papae quinti praedecessoris nostri in secretaria domestica ipsius praedecessoris repertum, pro eo quod sicut exhibita nobis nuper pro parte dilecti filii nostri Henrici Cardinalis Infantis Portugalliae nuncupati petitio continebat, ipse huiusmodi tenore ex certis causis dinoscatur indigere, ex minuta originali de verbo ad verbum transcribi, et ad eiusdem Henrici Cardinalis supplicantis instantiam praesentibus annotari fecimus, qui est talis à tergo. Videlicet. Dilecto filio nostro Henrico Tituli sanctorum quatuor coronatorum plebano Cardinali Infanti Portugalliae nostro, et apostolica sedis in Portugallia, et Algarbiorum Regnis de latere legato, Intus vero Pius Papa quintus. Dilecte fili noster salutem, et apostolicam benedictionem. Exhibita nobis pro parte Venerabilium fratrum Archiepiscoporum, et Episcoporum infra terminos tuae legationis consistentium petitio continebat, quod ipsi providi considerantes, utilitati, et necessitati Ecclesiarum suarum id plurimum expedire, nummopere cupiebant viros doctos, magistros videlicet, seu doctores, et licentiatos, aut bachelarios formatos in Theologia, vel iure canonico, si praevius diligenti examine digni reperti forent, licet illi Ecclesiasticum beneficium pensionem, vel patrimonium, pro ut de iure, et Concilij Tridentini decretis cavebatur, non haberent ad sacros et presbiteratus ordines promoveri posse, cum tales iuxta partium istarum consuetudinem nunquam soliti fuerint cum ordinis dedecore mendicare, aut sordidum questum propter inopiam exercere. Verum quia obstantibus praemissis id eis absque speciali nostra, et apostolica sedis permissione non putabant licere, nobis humiliter supplicari fecerunt, ut in praemissis opportune providere de benignitate apostolica dignaremur. Nos autem licet Ecclesiarum quarumlibet utilitatem, et commodum, nec non Ecclesiastici ordinis dignitatem ubique florere summis affectibus procuremus, et desideremus, de praemissis tamen certam notitiam non habentes, circumspectioni tuae, de cuius summa prudentia, et fidei integritate plurimum in Domino confidimus, tenore praesentium committimus, atque mandamus, ut de praemissis te diligenter informes, et si per informationem eandem repereris pro necessitate, aut utilitate dictarum Ecclesiarum expedire, ut doctores, licentiatos, et bachelarios huiusmodi, ut praefertur, ordinentur, quodque rimendum non sit eos cum ordinis dedecore mendicare, aut sordidum questum propter inopiam exercere posse, super quo conscientiam tuam oneramus, eisdem Magistris, seu doctoribus, et licentiatos, nec non qui sex annis ad minus in infrascriptis scientijs taliter studuerint, ut si eis suppetere facultates doctores creari merito possent, bachelarij formati in Theologia, vel iure canonico in Universitate approbata graduatis in aetate legitima constitutis, et alijs idoneis, et habitibus ad sacros etiam presbiteratus ordines promoveri volentibus, si praevius diligenti examine per te ipsum, aut personas probatae vitae, et spectatae conscientiae ad id per te specialiter deputandas faciendis, iusta, et morum honestate, et integritate cum scientia litterarum pollere eos repereris, super quo etiam tuam conscientiam oneramus, ut etiam si Ecclesiasticum beneficium, aut pensionem, vel patrimonium nullum habeant, ad dictos sacros etiam presbiteratus ordines à proprijs eorum Episcopis, iniuncto tamen eisdem, ut ordinandis huiusmodi de bene filiis competentibus nostra, et apostolica sedis dispositioni non reservatis, in eorum diocesis, et mensibus primo vacaturis omnino provideant, vel de eorundem Episcoporum licentia à quocunque catholico Antistite se promoveri facere libere, et licite valeant. Episcopis vero, et Antistiti praedictis eos promovendi licentiam, et facultatem concedere possis, earundem tenore praesentium permittimus, et indulgemus. Tibique auctoritatem pariter, et potestatem impartimus. Non obstantibus praemissis, et quibusvis alijs apostolicis, ac in provincialibus, et synodalibus concilijs editis generalibus, vel specialibus constitutionibus, et ordinationibus, ceterisque contrariis quibuscunque. Datum Romae apud sanctum Petrum sub Annulo Piscatoris die .viij. Octobris. M.D.Lxxviij. Pontificatus nostri Anno Tertio. Ceterum ut earundem litterarum tenor praedictus sic insertus omnimodam rei, et facti consuetudinem faciat, auctoritate apostolica decernimus, ut illud idem robur, eandemque vim, et eundem vigorem dictus tenor per omnia habeat, quae haberent originales litterae supradictae, ac eadem prorsus eidem tenori fides adhibeatur quancumque, et ubicumque, sive in iudicio, sive alibi ubifuerit exhibitus, vel ostensus, ac eidem tenori firmiter utatur in omnibus, sicut eis, dem originalibus litteris staretur, si forent exhibita, vel ostensa. Per hoc autem nullum ius cuiquam de novo acquiri volumus, sed antiquum tantummodo conservari. Dat. Romae apud sanctum Petrum sub Annulo Piscatoris die .xx. Maij. M.D.Lxxviij. Pontificatus nostri Anno Primo.

Ca: Glorietus.

